



NAFARROAKO PARLAMENTUKO

ALDIZKARI OFIZIALA

V. legegintzaldia

Iruñean, 2001eko urriaren 19an

106 ZK.

A U R K I B I D E A

A SAILA:

Foru lege proiektuak:

—Foru legea, Iruña-Logroño errepidea eraiki, ustiatu eta finantzatzeko. Osoko Bilkurak onetsia (2. or.).

B SAILA:

Foru lege proposamenak:

—Foru Lege proposamena, Nafarroako Foru Komunitatearen fondoen kargura zenbait sendagairen prestazio osagarria ezartzen duen irailaren 1eko 258/1998 Foru Dekretua aldatzekoa. Osoko Bilkurak aintzat hartua (5. or.).

—Foru Lege proposamena, Osasunari buruzko azaroaren 23ko 10/1990 Foru Legea aldatzekoa. Osoko Bilkurak aintzat hartua (5. or.).

—Foru Lege proposamena, toki ogasunek Nafarroako tributuetan parte hartzeko fondoa zenbatekoa den eta 2001etik 2003ra bitarteko aurrekontualdian nola banatuko den ezartzeari buruzkoa. Osoko Bilkurak bazter utzia (6. or.).

E SAILA:

Jabeldurak, mozioak eta adierazpen politikoak:

—Erabakia. Horren bidez, Nafarroako Gobernua premiatzen da hezkuntza premia bereziak dituzten ikasleei buruzko oinarrizko legedia bete dezan. Osoko Bilkurak onetsia (7. or.).

—Mozioa. Horren bidez, Nafarroako Gobernua premiatzen da osasun arloko lanpostuei buruzko foru dekretu berrian euskararen balioespena arau-tzen duten artikulua indarrrik gabe utz ditzan. Osoko Bilkurak bazter utzia (7. or.).

—Erabakia. Horren bidez, Nafarroako Parlamentuak adierazten du kultur eta erlijio aniztasuna konsziente eta kritikoki onartzearen aldekoa dela. Osoko Bilkurak onetsia (8. or.).

—Erabakia. Horren bidez, Nafarroako Gobernua premiatzen da kokaleku egokiagoren bat bila dezan egitekoa den espetxearentzako. Osoko Bilkurak onetsia (8. or.).

A saila:
FORU LEGE PROIEKTUAK

Foru legea, Iruña-Logroño errepidea eraiki, ustiatu eta finantzatzeko

OSOKO BILKURAK ONETSIA

Nafarroako Parlamentuak, 2001eko urriaren 10ean egindako Osoko Bilkuran, Iruña-Logroño errepidea eraiki, ustiatu eta finantzatzeko Foru Legea onetsi zuen.

Biltzarreko Erregelamenduko 143. artikuluan ezarritakoa betez, argitara dadin agindu da.

Iruñean, 2001eko urriaren 15ean

Lehendakaria: José Luis Castejón Garrués

Foru Legea, Iruña-Logroño errepidea eraiki, ustiatu eta finantzatzeko

ZIOEN AZALPENEA

Iruña-Lizarra-Logroño ardatza edukiera handiko errepide gisa eraikitzea munta handiko helburua da Nafarroako eskualde zabal bat, Estellerria batez ere, sendotu eta garatzeko, eta Nafarroako lurraldeen arteko oreka bilatzeko, errepideen azpiegiturei dagokienez. Edukiera handiko errepide horren eraikuntzari esker lotu dira Nafarroa eta Ebro Haranaren iparraldea, -Logroñon barna-, gure inguruneko herrialde eta eremu ekonomikoekin izanen ditugun harreman sozial, komertzial eta industrialen sarea zabaltzearen alde jokatzuz.

Nafarroako Errepideen I. Plan Gidariak errepide hau kontuan hartu zuen Nafarroako komunikazioaren ardatz estrategiko bezala, Nafarroako Parlamentuak hura 1997ko abenduaren 2an onetsi zuenean.

Iruña-Lizarra-Logroño errepidearen egungo egoera, trafikoak zer bilakaera izanen duen eta Nafarroako eskualde horrek behar duen komunikazio sarea ikusita, argi dago berehala bihurtu behar dela autobia errepide hori.

Iruña-Lizarra-Logroño autobia berriko inbertsioak, guztira, 48.000 milioi pezeta (288,05 Meuro) egiten ditu, behin betiko trazadurak eta haiek eraikitzeko proiektuak prestatu ahala zehaztuko bada ere. Iruña eta Lizarra arteko autobia

tarterako, 30.000 milioi pezetako (180, 03 Meuro) kalkulua egin da.

Horrelako komunikazio bide bat egitea asko luzatu daiteke baliabide ekonomikoak jartzen ez badira. Administrazio publikoen aurrekontuko gastuaren kontrolak, gaur egun, munta handiko obretarako baliabideak erabiltzeko ahalmena mugatzen du, eta horixe bera gertatzen da Iruña-Lizarra-Logroño autobian.

Espainia Ekonomia eta Moneta Batasunean integratzeko gure erkidegoak erakutsi duen elkartasunaren ondorioz, Nafarroak Aurrekontua Bategiteko Eszenatokia eta Egonkortasun Ituna onartu behar izan ditu, eta mugatuta gelditu dira zorrak hartzeko Foru Ogasunaren ahalmena eta aurrekontuaren defizita.

Horregatik, Nafarroak edukiera handiko errepide hori lehenbailehen izan dezan, ekimen pribatuaren partaidetza onartu behar da hura finantzatzeko prozeduran. Horrela, obrak egiteko epeak aise laburragoak izanen dira eta, batez ere, askoz lehenago jasoko du gizarteak onura, inbertsio horiek sortutako aberastasunaren ondorioz.

Europar Batasunak babes handia ematen dio ekimen pribatuari azpiegitura publikoak finantzatzeko, eta bada horren esperientzia bai Europan bai Espainian.

Ekimen pribatuak azpiegitura publikoen finantzaketan laguntzeko eta, beraz, dagokion arriskuaren kargu egin dadin, kontzesioa da modu eta bat, non "eskaeraren kanona" aplikatzen baita. Horren bidez, Administrazio Publikoak, eraikitzen den azpiegituraren titularra denez, komunikazio bidetik zirkulatzen duen trafikoaren arabera ordaintzen dio kontzesio-hartzaileari, eta muga batzuk jartzen dizkio ordainketa horri, trafikoaren, errentagarritasun ekonomikoaren, inbertsio eta eragiketa kostuen edo kontzesio-hartzaileari bideragarritasun ekonomikoa bermatzen dioten beste parametro batzuen arabera, baina Administrazio Publikoaren esku uzten du zer ekarpen ekonomi-

ko egin proiektuari kontzesio epeak dirauen bitartean.

Edozein eraikuntzari dagokion industri mozki- na eta ohiko zorpetze publikoaren sistemari lotu- tako mozkin finantzarioa bateratu nahi ditu propo- satu sistemak, kontzesioa hartzen duen sozietatearen fondoei honenbesteko bat ordain- duz, ustez eta enpresa proiektu baten arriskua murriztean ondoriozko tasak ere aise murrizten direla eta, beraz, enpresaren mozki- na ere. Horre- gatik, proiektuaren kostuak, guztira, ez du nahita- ez ohiko finantzaketa publikoaren kostutik alden- du behar.

Foru lege honek Iruña-Lizarran-Logroño edukie- ra handiko errepide berria eraikitze- ko kontratazioa eta ustiapena arautzen ditu, eta, aldi berean, aukera ematen dio Nafarroako Foru Komunitateari bere laguntza ekonomikoa eman dezan, aurre- kontuko baliabideen bitartez edo diruz bestelako- en bitartez, zein komeni den.

Nafarroako Ogasunari ekarriko dizkion ondorio ekonomikoen aldetik, foru legean aurreikusitako prozedurak bide ematen du urte anitzeko konpro- misoak hartzeko, Nafarroako Ogasun Publikoari buruzko foru legeak uzten duenetik haratago, horren beharra baitago kontzesio epeari dagokion gastu konpromisoa hartzeko.

1. artikulua. Xedea.

Foru lege honen xedea baldintza administrazio eta finantzarioak ezartzea da, Nafarroako Foru Komunitatearen lurraldean Iruña-Logroño edukie- ra handiko errepidea eraiki, zaindu eta ustiatzeko kontrataziorako.

2. artikulua. Kontratazioa.

Kontzesio bidez eraiki, zaindu eta ustiatuko da errepidea, oso-osorik edo zati bat, Nafarroako Administrazio Publikoen Kontratuari buruzko ekai- naren 16ko 10/1998 foru legean ezarritakoari jarraituz.

Lehiaketaren oinarrietan ezarriko da kontzesio- aren gehieneko epea, baina inoiz ere ez 30 urtetik gorakoa.

3. artikulua. Finantzaketa.

1. Nafarroako Foru Komunitateko Administra- zioak kontzesio lehiaketaren klausula administrazio partikularren pleguan zehaztuko du aurrekontu bidezko fondo publikoen ekarpena, edo diruz bes- telakoa.

Ekarpen guztiek ekarriko dute tarifa murriztea edo kentzea errepidea erabiltzeko; bestela, tarte jakin batzuen erreskate aurreratua.

2. Aurrekontu bidezko fondo publikoak azpiegi- tura erabiltzeko sartzan direnean, haien kalkulua egiteko, errepidearen tarte bakoitzeko erabiltzaile- en kopurua, gizartearentzat duen errentagarritasuna eta errepideko zerbitzu publikoa egiteko obli- gazioa hartuko dira kontuan.

3. Aurrekontu bidezko fondo publikoak azpiegi- turan berean inbertitzeko sartzan direnean, Nafa- rroako Foru Komunitateko Administrazioak beste administrazio publikoekin egindako itunen ondo- riozko fondoak ezartzen ahal ditu, edo Europar Batasuneko egitura funtsetakoak.

4. Nafarroako Foru Komunitateko Administra- zioak diruz bestelako ekarpenak egiten ahal ditu, esate baterako, lehendik egindako obrak, guztira- ko inbertsioa murrizteko eta kontzesio kontratu- aren barrenean zaindu eta ustiatu beharreko azpiegi- turaren parte izan daitezkeen.

4. artikulua. Bideragarritasunaren azterlana.

Obra kontzesioaren espedienteak abiatu aurre- tik, bideragarritasunaren azterlana eginen da. Ber- tan, azpiegitura erabiltzeko hipotesi ekonomikoak jasoko dira, Foru Komunitateko Administrazioak aurrekontu bidezko funts publikoen bitartez edo diruz bestelakoen bitartez egin beharreko ekarpe- nak zehazteko, eta kontzesioaren kontraturako baldintza ekonomikoak ezartzeko.

5. artikulua. Gastu konpromisoa.

Nafarroako Ogasun Publikoari buruzko aben- duaren 26ko 8/1988 Foru Legearen 41.3 artiku- luan ezarritako denbora muga ez zaio foru lege honetan aurreikusitako obrari aplikatuko, aurre- kontu bidezko funts publikoen ekarpena, 3. artiku- luan jasoa, egin dadin.

Xedapen gehigarria

Emakida hartzen duen entitateak, aldeztu aurretik Ekonomia eta Ogasun Departamentuan eskaria eginda, Enpresak Sustatzeko Sozietateak hartu- ko da, Sozietateen gaineko Zergari buruzko aben- duaren 30eko 24/1996 Foru Legeko 167. artiku- luan jasoa, idatz-zatian ezarrikoaren ondorioetarako.

Azken xedapena

Foru lege honek Nafarroako Aldizkari Ofiziale- an argitaratu eta biharamunean hartuko du inda- rra.

B saila:
FORU LEGE PROPOSAMENAK

Foru Lege proposamena, Nafarroako Foru Komunitatearen fondoen kargura zenbait sendagairen prestazio osagarria ezartzen duen irailaren 1eko 258/1998 Foru Dekretua aldatzekoa

OSOKO BILKURAK AINTZAT HARTUA

Biltzarrak, 2001eko urriaren 10ean egindako Osoko Bilkuran, Nafarroako Foru Komunitatearen fondoen kargura zenbait sendagairen prestazio osagarria ezartzen duen irailaren 1eko 258/1998 Foru Dekretua aldatzeko Foru Lege proposamena aintzat hartzea erabaki zuen. Proposamen hori Socialistas del Parlamento de Navarra Parlamen-

tuko Taldeak aurkeztu eta 2001eko uztailaren 2ko 74. Nafarroako Parlamentuko Aldizkari Ofizialean argitaratu zen.

Iruñean, 2001eko urriaren 15ean

Lehendakaria: José Luis Castejón Garrués

Foru Lege proposamena, Osasunari buruzko azaroaren 23ko 10/1990 Foru Legea aldatzekoa

OSOKO BILKURAK AINTZAT HARTUA

Biltzarrak, 2001eko urriaren 10ean egindako Osoko Bilkuran, Osasunari buruzko azaroaren 23ko 10/1990 Foru Legea aldatzeko Foru Lege proposamena aintzat hartzea erabaki zuen. Proposamen hori Socialistas del Parlamento de Navarra Parlamentuko Taldeak aurkeztu eta

2001eko uztailaren 2ko 74. Nafarroako Parlamentuko Aldizkari Ofizialean argitaratu zen.

Iruñean, 2001eko urriaren 15ean

Lehendakaria: José Luis Castejón Garrués

Foru Lege proposamena, toki ogasunek Nafarroako tributuetan parte hartzeko fondoa zenbatekoa den eta 2001etik 2003ra bitarteko aurrekontualdietan nola banatuko den ezartzeari buruzkoa

OSOKO BILKURAK BAZTER UTZIA

Batasuna Parlamentuko Taldeak ondoko Foru Lege proposamena aurkeztu zuen: "Foru Lege proposamena, toki ogasunek Nafarroako tributuetan parte hartzeko fondoa zenbatekoa den eta 2001etik 2003ra bitarteko aurrekontualdietan nola banatuko den ezartzeari buruzkoa".

Biltzarrak, 2001eko urriaren 10ean egindako Osoko Bilkuran, Batasuna Parlamentuko Taldeak

aurkeztutako Foru Lege proposamena bazter uztea erabaki zuen.

Proposamen hori 2001eko ekainaren 25eko 70. Nafarroako Parlamentuko Aldizkari Ofizialean argitaratu zen.

Iruñean, 2001eko urriaren 15ean

Lehendakaria: José Luis Castejón Garrués

E saila:

JABELDURAK, MOZIOAK ETA ADIERAZPEN POLITIKOAK

Erabakia. Horren bidez, Nafarroako Gobernua premiatzen da hezkuntza premia bereziak dituzten ikasleei buruzko oinarrizko legedia bete dezan

OSOKO BILKURAK ONETSIA

Osoko Bilkurak, 2001eko urriaren 10ean egindako bileran, ondoko erabakia onetsi zuen: "Erabakia. Horren bidez, Nafarroako Gobernua premiatzen da hezkuntza premia bereziak dituzten ikasleei buruzko oinarrizko legedia bete dezan".

Biltzarreko Erregelamenduko 112. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agintzen da.

Iruñean, 2001eko urriaren 15ean

Lehendakaria: José Luis Castejón Garrués

Erabakia. Horren bidez, Nafarroako Gobernua premiatzen da hezkuntza premia bereziak dituzten ikasleei buruzko oinarrizko legedia bete dezan

1. Nafarroako Parlamentuak Nafarroako Gobernua premiatzen du adimen gaitasun apartekoari loturiko hezkuntza premia bereziak dituzten

ikasleei erantzuteko oinarrizko legeak betetzeko behar diren bitartekoak abian jar ditzan.

2. Nafarroako Parlamentuak Nafarroako Gobernua premiatzen du sei hilabeteko epean adimen gaitasun apartekoari loturiko hezkuntza premia bereziak dituzten ikasleen hezkuntza prozesuan eragiten duten alderdi guzti-guztiak arautzeko Foru Komunitaterako arauen marko bat presta dezan.

Arauen marko horrek ikasleen ezaugarriei egokitutako curriculum neurri apartekoak aipatu beharko ditu, eta ikasle horiek goiz identifikatu eta erregistro edo errolda bat eginen da. Ebaluazio prozesuak malgutzeko irizpideak ezarriko dira, matrikulazio epeak eta ikasleen ezaugarrietara egokitutako eskolatze irizpideak ere finkatu beharko dira (epeak, plazak gordetzea eta abar). Hala ere, hezkuntza orientaziorako taldeak eta talde psikopedagogikoak jarriko dira, haur horiek azkar detektatu eta gero behar duten hezkuntza arreta emateko, baliabide berezietarako departamentu baten bitartez. Azkenik, beken eta dirulaguntzen sistema bat aurreikusiko da, premia berezien araberako hezkuntza berezia jaso ahal izateko.

Mozioa. Horren bidez, Nafarroako Gobernua premiatzen da osasun arloko lanpostuei buruzko foru dekretu berrian euskararen balioespena arautzen duten artikulua indarriz gabe utz ditzan

OSOKO BILKURAK BAZTER UTZIA

Batasuna Parlamentuko Taldeak ondoko mozioa aurkeztu zuen: "Nafarroako Gobernua premiatzen da osasun arloko lanpostuei buruzko foru dekretu berrian euskararen balioespena arautzen duten artikulua indarriz gabe utz ditzan".

Biltzarrak, 2001eko urriaren 10ean egindako Osoko Bilkuran, aurkeztutako mozioa baztertu

zuen. Mozio hori 2001eko urriaren 1eko 96. Nafarroako Parlamentuko Aldizkari Ofizialean argitaratu zen.

Iruñean, 2001eko urriaren 15ean

Lehendakaria: José Luis Castejón Garrués

Erabakia. Horren bidez, Nafarroako Parlamentuak adierazten du kultur eta erlijio aniztasuna konsziente eta kritikoki onartzearen aldekoa dela

OSOKO BILKURAK ONETSIA

Osoko Bilkurak, 2001eko urriaren 10ean egin-dako bileran, ondoko erabakia onetsi zuen: "Erabakia. Horren bidez, Nafarroako Parlamentuak adierazten du kultur eta erlijio aniztasuna konsziente eta kritikoki onartzearen aldekoa dela".

Biltzarreko Erregelamenduko 112. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agintzen da.

Iruñean, 2001eko urriaren 15ean

Lehendakaria: José Luis Castejón Garrués

Erabakia. Horren bidez, Nafarroako Parlamentuak adierazten du kultur eta erlijio aniztasuna konsziente eta kritikoki onartzearen aldekoa dela

Nafarroako Parlamentuak Estatuko Gobernuari premiatzen du Estatuaren eta Vatikanoren arteko 1979ko akordioak berrazter ditzan, hain zuzen ere Konstituzioko 27.3 artikulua askatasun erlijioso eta kulturalari buruz ezarritako bermeak 16. artikuluko 1. eta 3. idatz-zatietan askatasun erlijioso eta kulturalari buruz ezarritako bermeekin eta 23.2 artikulua funtzio publikoan sartzeko berdintasun baldintzen bermearekin harmonizatze eta Estatu ez-konfesional bati ez dagokion nolabaiteko hautarako disfuntzioak zuzentzeko.

Erabakia. Horren bidez, Nafarroako Gobernuari premiatzen da kokaleku egokiagoren bat bila dezan egitekoa den espetxearentzako

OSOKO BILKURAK ONETSIA

Osoko Bilkurak, 2001eko urriaren 10ean egin-dako bileran, ondoko erabakia onetsi zuen: "Erabakia. Horren bidez, Nafarroako Gobernuari premiatzen da kokaleku egokiagoren bat bila dezan egitekoa den espetxearentzako".

Biltzarreko Erregelamenduko 112. artikuluan ezarritakoa betez, aipatu erabakia Nafarroako Parlamentuko Aldizkari Ofizialean argitara dadin agintzen da.

Iruñean, 2001eko urriaren 15ean

Lehendakaria: José Luis Castejón Garrués

Erabakia. Horren bidez, Nafarroako Gobernuari premiatzen da kokaleku egokiagoren bat bila dezan egitekoa den espetxearentzako

Nafarroako Gobernuari premiatzea eztabaida publiko bat egin dezan, Nafarroako presoaren kolektiboaren gizarteratzea, integrazioa eta murriztea errazteko espetxe-politika bat gidatu behar duten oinarritzko irizpideei buruz. Eztabaida horrek kon-tuan hartu beharko lituzke talde politikoaren, presoaren kolektiboari laguntzen diharduten adituen, elkarten eta fundazioen, sindikatuen eta aztergai dugun arazoarekin lotura duten arloetan lan egiten duten gainerako gizarte-agenteen iritzia.